

اوصفلي نفسك

اوصفلي نفسك
قبل عيني ما توصفك..
أنتَ اللي قلبي
عاش حياته بيعشقك..
حقيقي مش مصدق!
إنك معايا وبين إيديا
روحي وحياتي
وعمري كله عليك شويه
أنتَ حبي وفرحتي
فالدنيا ديا
ولو بعدت ف لحظه عنك
ألاقي الدُموع تسكن عنيه

وقلبي يصرخ
حبيبي أنتَ الّلي بعشقك..
اوصفلي نفسك..
احكي لي..
قولي عن حياتك قبل منّي
واوعّ تخبي عليّا حاجة ولا تجاملني
أنا أصلي هعرف
لأن روحك جوّه مني
عاشة معايا قبل حتى ماعرفك..
وكل تفصييلة ف حياتك
قلبي عاشها واتخيلك..
اوصفلي نفسك..
قبل عيني ما توصفك..
أنتَ القمر فوق السحاب

نسيت معاك طعم العذاب
داويت جُروحي
ولملت رُوحِي
ولو تغيب عن عيني لحظة
ألاقي رُوحِي بتندهك..
اوصفلي نفسك..
قولي حبيبي
انا إيه بالنسبة ليك؟
أنتَ حلمي..
حياتي تكون بين إديك
وعمري الليّ جي أعيشه بس ليك
اطمن حبيبي..
هعيش في الدنيا ليك
وغرامي دا كله ليك وحدك اكيد

وسعادي ومُنايا ..

بوجودك معايا ..

نلوّن حياتنا بحبٍ صافي بريء

